

28/07/1997

Dialog berkaitan Aids di ITM Rabu ini

SHAH ALAM, Ahad - Satu program dialog dan pameran bertajuk Aids di Tempat Kerja akan diadakan Rabu ini, di sini.

Program anjuran pelajar kursus Pengurusan Sumber Manusia semester tiga Institut Teknologi Mara (ITM) dengan kerjasama Yayasan Aids Malaysia dan firma Glaxo Wellcome itu akan berlangsung di Auditorium 1 Perpustakaan Tun Abdul Razak, ITM Shah Alam.

Pengerusi Yayasan Aids Malaysia, Datin Paduka Marina Mahathir akan merasmikan program itu, selain menjadi ahli panel dialog itu.

Menurut jurucakap projek itu, Juliyati Mohamed, antara matlamat utama program itu adalah untuk memberi kesedaran kepada orang ramai mengenai bahaya Aids dan cara mengatasinya.

Orang ramai dijemput hadir ke majlis itu yang bermula jam 8 pagi hingga 1 tengah hari.

(END)